



Synfocity = 940

mail us at : mzsinfo@gmail.com; mizoramsynod@gmail.com - Phone - 2314648

June 6, 2024

❑ Synod Executive Committee an ðhu

June 4-7, 2024 chhung hian Synod Executive Committee (SEC) wawi 307-na an ðhu khawm a. Meeting hi Synod Moderator, Rev. R. Vanlalnghakan a kaihrui a, Rev. P.B. Mankima, Synod Secretary hnen aþangin report ngaihthlak a ni a, Rev. V.L. Luaia Hranleh, Finance Officer-in report a pe bawk.

Secretary report-ah hian April ni 26-28, 2024 chhunga Bial hrang hrangah Bial Inkhawmpui tuang taka neih a nih thu te, May 1-5, 2024 chhunga Chaltlang Kohhran Biak Ina PCI General Assembly wawi 45-na thlen a nih thu te, SEC-in a lo rel tawh anga Hmunþha leh Maite inkar kawng siam þa tura sawrkara thlen a nih thu te, Inkhawmpui hrang hrangah Synod aiawha palai intirh a nih thu te, February leh June SEC ðhut inkarah RC 214 leh RL 290 pek chhuah a nih thu te ngaihthlak a ni.

Finance Officer report-ah Synod sum dinhmun ngaihthlak a ni a. April 2023-March 2024 chhunga Synod sum hmuh zawng zawng chu ₹ 3,95,07,74,653 a ni a, Pastoral-ah ₹ 2,21,49,26,750 hmuh a ni a, Mission (Ramthar)-ah ₹ 1,73,58,47,903 hmuh a ni thung. Tangka kum kal ta chhunga Synod sum hman zawng zawng chu ₹ 3,96,65,83,734 a ni a, Pastoral-ah ₹ 2,44,13,97,979 hman a ni a, Mission (Ramthar)-ah ₹ 1,52,51,85,755 hman a ni. Hmuhna lamah hian kum hmasa khumna ₹ 22,34,98,245 a ni a, hmanna lama kum hmasa khumna ₹ 89,20,03,334 a ni thung. Tangka kum kal ta chung khan Bial hrang hrang thawhlawm thehluh aþanga hmuh zat chu ₹ 3,69,67,61,527 a ni a, hmuhna dang aþangin ₹ 25,40,13,126 hmuh a ni.

Tun ðum SEC ðhut khawmah hian agenda 80 chuang chhawp chhuah a ni a. Chung zingah chuan - Fa lak (adoption) chungchanga inzirtirna siam rawtna te, Contract leh Daily rate en ðat rawtna te, Pem Upa thlan nawnte Certificate pek rawtna te, Kohhran hming thlak dilna te, Central KTP hruaitu thlan dan chungchang te, Mizo Kutpui kan hman thin þa zawka hman rawtna te, Synod Hospital kum 100 tlin lawm dilna te, Assam Mission Field then chungchang te, Synod pem hruaina 2017 en ðat chungchang te, PRESCOM leh Synod Hospital dinhmun en ðat chungchang te a tel a ni.

❑ Presbyterian English School HSLC Result þa lawmna neih a ni

May 31, 2024 (Zirtawpni) chawhnu dar 2:00 khan Presbyterian English School (PES) hnuai School hrang hrang HSLC result þa lawmna, J.M. Lloyd Hall, Synod Office-ah neih a ni.

Programme hi Pu Lalsiammawia Fanai, Secretary, Synod Education Board-in a kaihrui a, Pu P.C. Vanlalhruaia, Supervisor of Schools-in inhmelhriattirna leh report a pe a. Synod Moderator Rev. R. Vanlalnghakan thu sawiin mimal ti ðate hnenah lawmman a sem a, Rev. Dr. K. Lallawmzuala, Executive Secretary i/c Education-in thu sawiin School ti ðate hnenah lawmman a sem bawk. Upa Dr. Laithanzauva, Synod Education Board Member-in lawmthu sawina hun a hman a, Rev. R. Lalchanglian malsawmnain hun a khar a, he hunah hian NI. Christina Vanlalnghaki a zai bawk.

Zirlai ti ðate chawimawina hunah hian Distinction-a pass mi 59-te hnenah lawmpuina ₹10,000/- leh Citation hlan a ni. PES zirlai zinga HSLC-a ti þa zual pathumte tan Special Award siam a ni a, lawmman dawngtute chu :

1. Freddy H. Ramdikmawia S/o Lalduhmawia, Zemabawk North PES
2. Lalrinhlui D/o Lalsangpuia, Sihpir Venglai PES
3. Frankie Lalruatsanga S/o Vanlalpeka, Zemabawk North PES

Heng bakah hian School ti þa pathumte hnenah lawmman pek a nih bakah pass kim vek School pasarih hnenah ₹ 10,000/- ðeuh Consolation Prize pek a ni bawk.

Tun dinhmunah Presbyterian English School (PES) hnuai hian School 168 an awm mek a, chung zinga school 38 chuan HSLC candidate an nei a. Exam beitu zawng zawng hi zirlai 875 niin 782-in an pass a. Distinction-ah 59, First Division-ah 297, Second Division-ah 367, Third Division-ah 59 an pass a, a pumpui Pass Percentage hi 89.37% a ni.

❑ **SEC member-te leh MLA-te an inkawm ho**

June 5, 2024 (Nilaini) chawhma dar 11:00 khan Mizoram MLA-te leh Synod Executive Member-te chuan J.M. Lloyd Hall, Synod Office-ah an inkawm hona hun an hmang.

He inkawm hona hi Synod Moderator, Rev. R. Vanlalnghakan a kaihruai a, inlawmna leh inhmelhriattirna neih zui a ni a. Rev. C. Zoramawia, Senior Executive Secretary-in SEC lam inhmelhriattirna a neih zawhin Pu Lalfamkima, Deputy Speaker-in MLA lam inhmelhriattirna a nei ve leh a ni. Synod Moderator-in MLA zawng zawngte hnenah Synod aiawhin Holy Bible a hlan hnuah, Synod aiawhin Rev. P.B. Mankima, Synod Secretary-in MLA-te lawmna leh sawrkar thar hnena ngenna thuchah a chhiar chhuak a. Pu Lalduhoma, Chief Minister leh Pu Lalbiakzama, Speaker ten thu an sawi zui a. Anni bakah Pu Lalchhandama, Opposition Leader; Pu Ngunlianahunga, MLA leh Pu B. Lalchhanzova, Minister-ten thu an sawi baw. Sawrkar tana tawngtaisakna hun Rev. C. Lalsanglianah a hman zawhah Rev. V.L. Luaia Hranleh, Executive Secretary, Mizoram Synod-in lawm thu a sawi zawhin Rev. P.C. Pachhunga, Finance Officer-in malsawmnain inkawm hona hun hi a khar a ni.

Kum 1978 atang khan Synod Executive Committee leh MLA thlan thar apiangte nena inkawm hona hun hi sawrkar thar a pian hnua SEC tput hmasak berah buatsaih thin a ni a. Kuminah erawh chuan February SEC tput hun leh Assembly Session a innah avangin June thla SEC tput khawmah hian he inkawm hona hun hi hman a ni ta a ni. Tun tum inkawm hoah hian MLA 30 an kal thei a ni.

❑ **Synod Lay Workers Fellowship Annual Meeting neih a ni**

May 31, 2024 (Zirtawpni) khan Synod Lay Workers Fellowship Annual Meeting (Lay Day) wawi 48-na chu Synod Hospital, Durtlangah hman a ni a, member 645 chuang an kal khawm thei a ni.

Lay Day hi hun hniha then a ni a, chawhma lamah hun urhsun hman a ni. Upa Thanglianahuma, Vice Chairman, SLWF-in a kaihruai a, Secretary leh Treasurer report ngaihthlak a ni. Rev. R. Vanlalnghaka, Synod Moderator-in Lay Day Address a sawi a. Lay Day thupui 'Rawngbawlina leh Tunlai khawvel' tih chu Upa R. Lalmalsawman a sawi thung. SLWF Chairman-in SLWF hruaitu tharte Pathian hnenah a hlan a. Zaithiam Ni. Zoramchhanin hla pahnih nung takin a sa baw.

Chawhnu programme hi Multipurpose Hall, College of Nursing, Synod Hospital-ah hman a ni a, Upa Vanlalrawna Kiangte, Finance Secretary, SLWF-in inkhawm a kaihruai a, member pension-a chhuak mi 23 hnenah ngaihhraina thilpek hlan a ni. Variety programme hman a ni a, tlaiah zanriah kil ho a ni baw.

Synod Lay Workers Fellowship (SLWF) hi Synod hnuaia thawktu Aizawl-a awm, Pastor ni lo zawngte intel khawmna a ni a, kum tin May thla Zirtawpni hnuhnung berah Lay Day an hmang thin a, tun dinhmunah Synod Lay Workers Fellowship-ah hian member 1000 an awm mek a ni.

Kum 2024 Lay Day denchen hian Synod Lay Workers' Fellowship chuan Synod Hospital Charity Fund atan ₹ 1,70,500 an thawh khawm a, Lay Day hian Hospital Director, Dr. Lalthakima hnenah Upa H. Ronghaka, Chairman-in a hlan nghal a ni.

Kum 2024-2026 chhunga SLWF Puipa turte -

Chairman	- Upa C. Lalduhawma, SHSS
Vice Chairman	- Dr. Vanlalchama, Synod Hospital
Secretary	- Pu John Lalhrulaitluanga, Synod Office
Asst. Secretary	- Upa F. Lalfakzuala, Prescom
Treasurer	- Pi H. Lalsangliani, P.C. Girls
Finance. Secretary	- Upa Rochungnunga, Synod Office

❑ **Synod Mission Board hnuaia Missionary Nurse-te tan Refresher training**

June 3-July 3, 2024 chhung hian Synod Mission Board hnuaia Nurse-te tan Refresher Training, Synod Office-ah neih a ni a, training tur hian Nurse 20 koh an ni. Training chhung hian thupui chi hrang hrang - Mental Health, Family Counselling, Evangelism in Modern Context, Health Care Awareness, Community Health leh thil pawimawh hrang hrang an zir a. Training hi thla khat awh tura ruahman a ni a, kar khat chhung theory class an kal ang a, kar thum chhungin practical class - Synod Hospital, Durtlang leh Civil Hospital, Aizawlah te an nei ang. Training chhung hian a remchan dan angin Aizawl khaw chhung hmun remchangah Free Check-up an nei thin baw dawn a ni.

Synod Mission Board hnuaiah hian Missionary Nurse 130 chuang awmin Refresher training tur hian a tah tawlin koh thin an ni.

- ❑ **MSSU**
June 8, 2024 (Inrinni) hian Sunday School zirtirtu training neihpui turin Bilkhawthlir Bialah trainer-te, Upa K. Vanlalngbaka, Upa R. Vanlalhruaia leh Upa C. Lalnunzira te an kal ang.
- ❑ **Worship**
June 8, 2024 (Inrinni) hian Zemabawk West Kohhranah Zai hruai training neihpui turin Music Instructor te, Tv. H. Lalhzazuala leh Tv. Samuel Vanlalhruaithluanga te an kal ang.
- ❑ **Kohhran Hmeichhia**
June 8-9, 2024 chung hian Leadership Training leh Kristian Chhungkaw Campaign nei turin Central Kohhran Hmeichhe hruaitute hetiang hian an chhuak ang:
Kawrtethawveng Bial - Pi Lalnunhlimi, Pi Vanlalhlamuani leh Pi V. Siamhnuni.
Khawlailung Dinthar Bial - Pi R. Tlanghmingthangi, Pi J.C. Ronghaki leh Pi C. Thanthiangi.
- ❑ **SL&PB**
 - ◆ June 8-9, 2024 chung hian Literature Seminar leh Campaign nei turin Rabung Bialah Rev. Lalbiaknia, Editor; Pu Zohmingliana Colney, Joint Editor leh Pi Rallianthangi, O/A te an kal ang.
 - ◆ June 8-9, 2024 chung hian Mamit Dinthar Bialah Literature Seminar nei turin Pu Zohmangaiha, Asst. Editor leh Pu Eric Lalnunmawia, O/A te an kal ang.
- ❑ **Social Front**
June 8-9, 2024 chung hian Vanzau Bialah 'HIV/AIDS & Moral Reforms' Awareness Campaign nei turin campaigner te, Pu Alan Lalnmanpuia leh Ni. Lalchhuanzuali te an kal ang.
- ❑ **Synod Mission Board**
 - ◆ **Jharkhand Mission Field**
June 2, 2024 (Pathianni) khan belhtu thar 25 an awm.
 - ◆ **Delhi Mission Field**
June 2, 2024 (Pathianni) khan belhtu thar pakhat a awm.
 - ◆ **Lucknow Mission Field**
June 2, 2024 (Pathianni) khan belhtu thar pakhat a awm.
 - ◆ **Karbi Anglong Mission Field**
June 2, 2024 (Pathianni) khan belhtu thar panga an awm.
 - ◆ **Patna Mission Field**
June 2, 2024 (Pathianni) khan belhtu thar pasarih an awm.
 - ◆ **Odisha Mission Field**
June 2, 2024 (Pathianni) khan belhtu thar pathum an awm
 - ◆ **Assam Mission Field**
June 2, 2024 (Pathianni) khan belhtu thar panga an awm.
 - ◆ **Nepal Mission Field**
June 2, 2024 (Pathianni) khan belhtu thar pahnih an awm.
- ❑ **FM Zoawi - Aizawl & Lunglei : Hruaina Eng Radio Programme**
June 7, 2024 (Zirtawpni) @ 7:30 p.m. :
FAK HLA HUANG
Solo : C. Vanlalroluahtumi
Thusawi : Dr. Lalruatfela (Dental Surgeon, Faith Dental Clinic, Sikulpuikawn, Mission Veng, Aizawl - Ha hlam pawimawhna
- ❑ **Su Samachar Prasaran Programme :**
June 9, 2024 (Pathianni) 5:30 pm. :
Group/Choir/Solo : Sheila Lepcha - Dhanyawad Ke Saath
Group/Choir/Solo : R. Jydiel - Mero Jeevan
Sermon : Rev. Vanlalhruaia Ralte
Group/Choir/Solo : Fabiana Malsawmtluangi - Aye Khuda Paak Rooh
Group/Choir/Solo : Aizawl West Area Choir - Bharat Desh Mahan

❑ **Hruaina Eng TV Programme**

- 6.6.2024 (Ningani) 8:30 pm : Thupui zir bing
 7.6.2024 (Zirtawpni) 5:00 pm : Kristian Naupang Pual
 8.6.2024 (Inrinni) 5:30 pm : Puitling Sunday School Zirlai
 9.6.2024 (Pathianni) 8:00 am : Weekly round up
 5:30 pm : Su Samachar Prasaran
 10.6.2024 (Thawhtanni) 8:30 pm : Hruaina Eng Luang chhuak

❑ **Moderator leh Executive Secretary-te Programme:**

Rev. R. Vanlalngbaka : Moderator

June 8-9, 2024 Bukpui Bial tlawh

Rev. C. Zoramawia : Senior Executive Secretary

June 12-16, 2024 chhungin Office-ah a awm ang

Rev. V.L. Luaia Hranleh : Executive Secretary

June 12, 2024 Hmangaihna In Committee

June 13, 2024 MSSU Executive Committee

June 14, 2024 MSSU Child Evangelism Committee

Rev. Dr. K. Lallawmzuala : Executive Secretary

June 9, 2024 Model Veng Kohhran Jubilee lawmna hmanpui

June 11-14, 2024 Indian Missions Association Summit

June 10, 2024-a Synod Service Board leh ni 11-a Council of Churches Joint Meeting-ah te Moderator leh Executive Secretary-te an thü ang.

SYNOD BOOKROOM LEHKHABU CHHUAK THAR - JUNE, 2024

1. Apokrifa: <i>SL&PB</i>	₹ 200/-
2. PCI Badge:	₹ 30/-
3. Bible Thawnthu - 5: <i>C. Laizawna</i>	₹ 100/-
4. Ka Thupui Ber Nangmah Fak Hi: <i>C. Lalzarmawia</i>	₹ 500/-
5. Jehova Jire: <i>Lalniliiani</i>	₹ 100/-
6. Ka Rahbi: <i>C. Lal Thlamuana</i>	₹ 250/-
7. Lalzuithanga & Prof. Siamkima Hnuhma: <i>B. Lalthangliana</i>	₹ 350/-
8. Khawmthitheilova: <i>Vanlalkhawma</i>	₹ 250/-
9. A Lai Bu: <i>C. Laizawna</i>	₹ 150/-
10. Ben Hur: <i>C. Laizawna lehlin</i>	₹ 150/-
11. Miracle Tales: <i>C. Lalzawna</i>	₹ 100/-
12. Oliver Twist: <i>C. Laizawna lehlin</i>	₹ 150/-
13. Leo Tolstoy Six Short Stories: <i>C. Laizawna lehlin</i>	₹ 150/-



www.mizoramsynod.org

Synod Information & Publicity
Phone - 2314648

Synfo

Youtube channel: Synod Information